

## OFFERYNNAU STATUDOL CYMRU

# 2018 No. 191

## Rheoliadau Addysg (Cymorth i Fyfyrrwyr) (Cymru) 2018

### RHAN 7

#### Y GRANT SYLFAENOL A'R GRANT CYNHALIAETH

#### PENNOD 4

#### TALIAD CYMORTH ARBENNIG

##### Taliad cymorth arbennig

**50.**—(1) Pan fo myfyriwr cymwys sy'n cymhwyso i gael grant sylfaenol neu, yn ôl y digwydd, grant cynhaliaeth, yn bodloni un o'r amodau cymhwyso yn rheoliad 51—

- mae'r holl grant sylfaenol sy'n daladwy i'r myfyriwr cymwys, a
- mae swm o'r grant cynhaliaeth sy'n daladwy i'r myfyriwr hyd at yr uchafswm a bennir yn rheoliad 52,

i'w drin fel taliad cymorth arbennig.

(2) Mae taliad cymorth arbennig yn daliad a fwriedir er mwyn talu am—

- cost llyfrau ac offer;
- treuliau teithio;
- costau gofal plant,

mewn cysylltiad â myfyriwr cymwys yn ymgymryd â chwrs dynodedig.

##### Gwybodaeth Cychwyn

**II** Rhl. 50 mewn grym ar 12.3.2018, gweler **rh. 1(2)**

##### Taliad cymorth arbennig: amodau cymhwyso

**51.**—(1) Mae myfyriwr cymwys yn cymhwyso i gael taliad cymorth arbennig mewn cysylltiad â blwyddyn academaidd o'r cwrs presennol os yw'r myfyriwr cymwys yn bodloni un o'r amodau a ganlyn—

##### Amod A

Mae'r myfyriwr cymwys, at ddibenion asesu hawlogaeth i gael cymhorthdal incwm, yn dod o fewn categori rhagnodedig o bersonau at ddibenion adran 124(1)(e)(1) o Ddeddf Cyfraniadau a Budd-daliadau Nawdd Cymdeithasol 1992.

(1) 1992 p. 4. Mae diwygiadau i adran 124 nad ydynt yn berthnasol i'r Rheoliadau hyn ac mae'r adran wedi ei diddymu gan Ddeddf Diwygio Lles 2012 (p. 3), adran 147 ac Atodlen 14, Rhan 1 yn ddarostyngedig i arbedion a bennir yn O.S. 2013/358 erthygl 9. Mae'r categorïau o dan adran 124(1)(e) wedi eu rhagnodi drwy reoliadau. Y rheoliad perthnasol yw rheoliad 4ZA o Reoliadau Cymhorthdal Incwm (Cyffredinol) 1987 (O.S. 1987/1967). Mewnosodwyd rheoliad 4ZA gan O.S. 1996/206 ac

*Statws Golwg cyfnod mewn amser fel yr oedd ar 04/01/2024.*

*Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)*

#### *Amod B*

Caiff y myfyriwr cymwys, at ddibenion asesu hawlogaeth i gael budd-dal tai, ei drin fel pe bai'n atebol i wneud taliadau mewn cysylltiad ag annedd a ragnodir gan reoliadau a wneir o dan adran 130(2) o'r Ddeddf honno(2).

#### *Amod C*

Mae'r myfyriwr cymwys, at ddibenion asesu hawlogaeth i gael credyd cynhwysol, yn atebol neu'n cael ei drin fel pe bai'n atebol o dan reoliad 25(3) o Reoliadau Credyd Cynhwysol 2013(3) i wneud taliadau mewn cysylltiad â llety y mae'r myfyriwr yn ei feddiannu fel ei gartref.

#### **Gwybodaeth Cychwyn**

**I2** Rhl. 51 mewn grym ar 12.3.2018, gweler **rh. 1(2)**

#### **Uchafswm y grant cynhaliaeth sy'n cael ei drin fel taliad cymorth arbennig**

**52.** Yn Nhabl 6, mae Colofn 2 yn nodi uchafswm y grant cynhaliaeth sy'n daladwy fel taliad cymorth arbennig mewn cysylltiad â'r flwyddyn academiaidd a nodir yn y cofnod cyfatebol yng Ngholofn 1.

**Tabl 6**

<i>Colofn 1</i>	<i>Colofn 2</i>
<i>Blwyddyn academiaidd</i>	<i>Uchafswm y grant cynhaliaeth sy'n daladwy fel rhan o daliad cymorth arbennig</i>
Sy'n dechrau ar neu ar ôl 1 Medi 2018	£4,161 ar gyfer cwrs llawnamser  £5,000 wedi ei luosi â'r dwysedd astudio ar gyfer cwrs rhan-amser

#### **Gwybodaeth Cychwyn**

**I3** Rhl. 52 mewn grym ar 12.3.2018, gweler **rh. 1(2)**

fe'i diwygiwyd gan O.S. 1997/2197, O.S. 2000/1981, O.S. 2001/3070, O.S. 2008/1826, O.S. 2009/2655, O.S. 2009/3152 ac O.S. 2013/2536.

- (2) Mae diwygiadau i adran 130 nad ydynt yn berthnasol i'r Rheoliadau hyn ac mae'r adran wedi ei diddymu gan Ddeddf Diwygio Lles 2012 (p. 3), adran 147 ac Atodlen 14, Rhan 1 yn ddarostyngedig i arbedion a bennir yn O.S. 2013/358 erthygl 9. Y rheoliad perthnasol yw rheoliad 56 o Reoliadau Budd-dal Tai 2006 O.S. 2006/213 fel y'i diwygiwyd gan O.S. 2008/1042, O.S. 2008/1082, O.S. 2012/757, O.S. 2013/630, O.S. 2013/2070 ac O.S. 2017/901.
- (3) O.S. 2013/376.

**Statws**

Golwg cyfnod mewn amser fel yr oedd ar 04/01/2024.

**Newidiadau i ddeddfwriaeth:**

Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.